

Canonis conservativs saboteschan l'elecziun

La diocesa da Cuira sto spetgar vinavant sin in nov uestvg

MARTIN CABALZAR/FMR

■ **Il chapitelatedral n'ha betg eliger il nov uestvg sco previ. Per ils canonis conservativs enturn Martin Grichting fuvian ils trais candidats proponi memia moderats.** Quai rapporta l'agentura Kath.ch. Uschia po papa Francestg uss eleger sez il nov uestvg da Cuira senza risguardar las sensibilitads dal chapitelatedral. Sin la glista dal papa (terna) figuravan apparentamain l'uffizial diocesan *Joseph Bonemain*, l'avat da Mustér *Vigeli Monn* e l'anteriur avat da Hauterive *Mauro Giuseppe Lepori*. Il chapitelatedral renunzià pia questa giada sapientivamain a ses privilegi da tscharner sez il nov uestvg.

L'elecziun da l'uestvg è differenta en las singulas diocesas. En la diocesa da Cuira ha il chapitelatedral il privilegi d'eleger il nov uestvg sin fundament d'ina glista (terna) da trais candidats proponids dal papa. Il papa furma sia glista sin fundament da propostas inoltradas dal nunzi papal en Svizra. Il chapitelatedral sco gremi electoral consista actualmain da 6 canonis residenzials e da 18 canonis extraresidenzials. Pervi da dus mortoris èn 2 da las 24 sutgas actualmain vacantas, uschia che 22 canonis avessen



Tgi daventa successur da Vitus Huonder che è stà 12 onns uestvg da Cuira ed ha remessgia il matg 2019 ses uffizi.

FOTO MARCO HARTMANN

può decider questa giada la successiun da Vitus Huonder. En il cass normal vegn l'uestvg tscherni dal chapitelatedral, sto la finala dentant anc vegnir confermà formalmain dal papa. Lez communitgescha allura la decisiun definitiva.

Conservativ, moderat ni progressiv?

Sco quai che kath.ch ha rapportà gia dumengia sa fundond sin «funtaunas segiras» ha il nunzi papal *Thomas Gullickson*

che banduna la fin da l'onn la Svizra interpreti pliras emprovas per suttametter a Ruma candidats conservativs, dentant senza success. Apparentamain ha ina glista cun candidats pli moderats uss gè pli grond success. En quest connex fan 7 nums actualmain la runda en las medias. Tranter quels sa chattan er quels dals trais avats *Vigeli Monn* (Mustér), *Urban Federer* (Nossadunnaun/Einsiedeln) e *Mauro-Giuseppe Lepori*

(Hauterive). Plinavant vegnan numnads l'uffizial da l'uestvgieu *Joseph Bonemain* ed ils plevons *Ruedi Beck* (Lucerna), *Adrian Luchsinger* (Horgen) e *Mario Pinggera* (Richterswil) che era er stà plevon a Müstair. Betg pli menziunads vegnan aspirants da l'emprima ura sco il moderatur da la curia *Martin Grichting*, il custosatedral *Gian-Luzi Bühler* e sextar dal dom *Andreas Fuchs*. Auters papabiles hajan apparentamain dentant er giada renunzià ad ina nomina.

Da sperar ch'il Sontg Spiert possa far sia lavur

Dapi decennis regian en la diocesa da Cuira fermes conflicts tranter circuls conservativs e progressivs che han er sparti clerus e plavvs. En vista a la situaziun desolata da l'uestvgieu da Cuira ha il nov uestvg in'incumbensa difficila d'intermediar, far punts, reunir ils fidaivels e restabilir la pasch en la diocesa. Da sperar ch'il Sontg Spiert possa far sia lavur ed ispirar papa Benedetg per ina buna soluziun!

Tenor Wikipedia cumpigliava la diocesa da Cuira 2011 radund 680'000 catolics repartids en ils chantuns Grischun, Uri, Sviz, Sur- e Sutsilvania, Glaruna e Turgit. En las 308 plavvs pastoravan anc 1164 spirituals.